

Ilisimatusarfimmi ilinniartitsisunut ilisimatuunullu piffissamut suliffiusumut isumaqatigiissut

Naalakkersuisut illuatungaanilu Ilinniagartuut Kattuffiat/Akademikernes Sammenslutning i Grønland/ASG akornanni - aamma Kalaallit Nunaanni Namminersornerullutik Oqartussani kommuninilu tjenestemandit pillugit Inatsisartut inatsisaanni nr. 21, 18. december 2003-meersumi § 47, imm. 1 naapertorlugu ima ittumik isumaqatigiissuteqartoqarpoq:

Siunertaq

Piffissamut suliffiusumut isumaqatigiissutip siunertaraa Ilisimatusarfimmi ilinniartitsisunut ilisimatuunullu ersarinnerusunik assigiiarnerusunillu sinaakkusiinissaq soorluttaaq Ilisimatusarfiup immikkoortortaani ullutsinnut naleqquttunik isumalluutitigut piginnaassutsitigullu qulakkeerinninnissaq.

Pitsaassuseq, naammassisaqarsinnaassuseq paasiuminartuunissarlu piffissamut suliffiusumut pilersaarusiornermi piareersaanermilu pingaarnertut anguniarneqarput.

Isumaqatigiissut sulisunut ataasiakkaanut piffissaq suliffiusoq suliffimmilu suliassaannut oqimaaqatigiisitsiniaqataassaaq. Suliassanik naleqqersuussineq/pingaarnersiuiineq piffissap ingerlanerani nikerartuusinnaavoq. Aqutsisoq qaninneq sulisullu ataasiakkaat piffissamut suliffiusumut isumaqatigiissutip nassuiaataata iluani ataasiakkaarlutik isumaqatigiissiussapput.

Isumaqatigiissut manna naapertorlugu aqutsisut suliati aqussavaat agguataarlugillu aqutsisullu sulisunut piffissaq suliffiusup suliffimmilu suliassat oqimaaqatigiitsinnissai akisussaaffigaat.

§ 1

Isumaqatigiissutip atuuffii

Isumaqatigiissut una tjenestemanditut sulisunut aamma sulisunut, Ilisimatusarfimmi ilinniakkanut ilisimatuunut ilinniartitsisunullu isumaqatigiissutit malillugit atuuppoq.

Imm. 2 Isumaqatigiissummi pineqarput ilinniartitsilluni sulineq, inerisaalluni sulineq ilisimatusartitsinerlu Ilisimatusarfiup siunertarisaaniittut.

§ 2

Ukioq ilinniarfiusoq aamma piffissaq suliffiusoq

Ukioq ilinniarfiusoq 1. augustimiit 31. juulimut naatsorsuunneqartarpoq tassaappullu piffissat marluk nalinginnaasumik suliffiusut (upernaami aamma ukiami semesterit).

Imm. 2 Piffissaq suliffiusoq ukiumut marloriarlugu naatsorsorneqartassaaq ukiulli atuarfiusup naanerani tamakkerlugu naatsorsorneqartassaaq.

Imm. 3 Sulisunut ataasiakkaanut piffissarititaasoq suliffiusoq sulisunut isumaqatigiissut naapertorneqarpoq.

Imm. 4 Ukiup ilinniarfiusup ingerlanerani atorfininnermi soraarnermilu aamma piffissap suliffiusup ilaannaani sulisartunut piffissamut suliffiusumut sulisussaataitaaneq ukiumut ilinniarfiusumut naatsorsorneqartarpoq.

§ 3

Suliassanik aaqqissuussineq

Ilinniartitsisut ilisimatusarnermullu tunngasunik sulisut suliassat tassaasinnaapput:

- a. Ilinniartitsineq, § 6 takuuk aamma piareersaaneq, § 7 takuuk,
- b. Suliassat ilinniartitsinermut tunngasut, § 8 takuuk,
- c. Suliartigut ineriartortitsineq, § 5 takuuk
- d. Suliassat allat suliassaqartitaanerlu, § 9 takuuk.
- e. Ilisimatusarneq ilisimatusarnermullu tunngasut suliassat, § 4 takuuk

Imm. 2 Sulisut aallaavittut ilinniartitsinermi suliassat pillugit sapaatit akunnerinik sisamanik sioqqullugu ilisimatinneqartassapput.

Imm. 3 Sulisunut ataasiakkaanut suliassat minnerpaamik ukiumut ataasiarluni aalajangersarneqartassapput.

Imm. 4 Piffissap suliffiusup, nalinginnaasumik sapaatip akunnerata ulluani tallimani siullerni inissinneqartartut, iluanni suliassat inissinneqartarnissai naatsorsuutigineqarpoq. Suliassanut piffissap suliffiusup nalinginnaasup iluani inissinneqarsinnaanngitsut immikkut isumaqatigiissuteqarfigineqassapput. Immikkut isumaqatigiissut ilaatigut taarsiiffigineqarnissaq pillugu sulisup aamma immikkoortorta qarfinni aqutsisup/institutimi aqutsisup akornanni isumaqatigiissutigineqassaaq.

§ 4

Ilisimatusarneq

Ilisimatusarnermut tunngasunik sulisut suliassaannut piffissaq ilisimatusarnissamut atuiffiususaaq tunngavittut 45 %-iuvoq.

Imm. 2 Ilisimatusarnermut tunngasunik sulisup aamma immikkoortorta qarfinni aqutsisup/institutimi aqutsisup akornanni piffissap suliffiusup 45 %-imiit annerusumik annikinnerusumilluunniit imaqqassanersoq isumaqatigiissutigineqarsinnaavoq.

Imm. 3 Aallaavittut ilisimatusarnissamut pilersaarutit ukiuni pingasuni atuuttussanngorlugit suliarineqartarput. Ilisimatusarnissamut piffissarititaq ataasiakkaanut ilisimatusarnermik saqqummiussinissamut pilersaarummillu suliaqarnermik imaqarpoq minnerpaamillu imarissavai:

- Ilisimatusarnermi suliniutissatut pilersaarutaasut
- Ilisimatusarnermi allaaserisanik naligiittut misissueqatigiittarnissamut (peer review) pilersaarutaasut
- Ataatsimeersuarnerni allagaatilisarluni (paper) peqataanissamut pilersaarutaasut
- Ilisimatusartut attaveqatigiinnerannut peqataanissamut pilersaarutaasut
- Avataaniit aningaasalersorneqarnissamut qinnuteqaatit pilersaarutaasut
- Najukkami inuiaqatigiinnut paasiniaatitsilluni ingerlanneqartussat pilersaarutaasut

Ilisimatusarnikkut atuakkanik saqqummersitsineq ukiut arfinillit tikillugit ilisimatusarnissamut sivilisunerusumi pilersaarummut ilanngunneqarsinnaapput.

Imm. 4 Ilisimatusartitsineq ukiut pingasut sinnerlugit ikinnerpaamik ukiumut agguaqatigiissillugu ilisimatusartitsinermit saqqummiussa qatigiittut misissueqatigiissaq ataasiusassaaq imaluunniit ukuit pingasut ingerlanerani ilisimatuussutsikkut monografi (inuup suliaanut eqqumiitsuliaanulluunniit tunngasunik imaluunniit sammisaq pillugu allattariarsornikkut oqaluinnarnikkulluunniit saqqummiussineq) ataaseq piffissaq ilisimatusarfiusumut atuiffissaq 45%-iusoq atorlugu, § 4, imm. 1 naapertorlugu.

Ilisimatusarnikkut saqqummiussinerit ima paasineqassapput:

- a) allaaserisaq nunat tamalaat atuagassiaanni ilisimatuussutsikkut sulianut tunngasutigut akuerisaasoq imaluunniit suliamut aaqqissuunnikumut ilanngussa imaluunniit ilisimatusarfimmi qaffasitsigisumik antologi (atuakkamut ataatsimut katersugaq), imaluunniit
- b) monografi nunami nunaniluunniit tamalaani naqiterivimmi akuerisamiit saqqummersitaq, suliamut naapertuuttuusinnaallutillu saqqummersitaasinnaapput tulleriat imaluunniit doktorinnorniarluni allaaserisaq

Saqqummersitsinissat amerlassusissaannut piunasaqaat piffissap suliffiusup tamarmiusup ilisimatusarnermik tunngavillip procentinngornera ilutigalugu qaffattarpoq appartarporluunniit, ilisimatusarnermilu aqutsisoq aamma/imaluunniit institutimi aqutsisoq oqaloqatiginerisigut aalajangersarneqassaaq.

Imm. 5 Ilisimatusarnissamut pilersaarutit ingerlaavartumik nalilersorneqassapput naleqqussarneqarlutillu – ukiumulli ikinnerpaamik ataasiarlutik augustip qaammataani. Illugiilluni isumaqatigiissuteqarnikkut ilisimatusarnissamut pilersaarutit allanngortinneqarsinnaapput.

Imm. 6 Ilisimatusarnermi suliaq, § 4 naapertorlugu piffissamik piareersarfissaqartitsineq ajorpoq, § 7 takuuk.

Imm. 7 Aalajangersagaq manna pillugu isumaqataanngissutaasinnaasut sulisut sulisunullu sinniisoq peqatigalugit oqaluuserineqarsinnaapput.

§ 5

Sulianut tunngatillugu ineriartortitsineq

Sulianut tunngatillugu ineriartortitsineq ima paasineqassaaq sulisut namminneq suliaannut tunngatillugu ineriartornerat imaluunniit allat namminerluunniit suliniutaannut peqataaneq soorlu ilinniartitsinermi atortut ineriartortinneri.

Imm. 2 Ineriartornissamut piffissaq ilinniartitsisunut atorfinitsitaanerup ilaatut ilisimatusarnissamut pisussaaffeqanngitsunut tunniunneqartarpoq ilisimatusarnermullu imaluunniit nammineq piginnaasanik ineriartortitsinermit suliniutinut peqataanermit atorneqartarluni, soorlu ilinniakkamut lektoritut piginnaanngorsarneq, pikkorissarnernut ataatsimeersuarnernullu peqataaneq assigisaaluunniit. Sulianut tunngatillugu ineriartortitsinermit piffissaliussaq sulisup aamma immikkoortortaqaqfimmi aqutsisup/institutimi aqutsisup akornanni isumaqatigiissutigineqassaaq.

Imm. 3 Sulianut tunngatillugu ineriartortitsinermit piffissaliussaq piffissaliussami aalajangersimasumi sulisunut ilisimatusarnissamut pisussaaffeqartunut tunniunneqassaaq.

Imm. 4 Sulianut tunngatillugu ineriartortitsineq, § 5 naapertorlugu piffissamik piareersarfissaqartitsineq ajorpoq, § 7 takuuk.

§ 6

Ilinniartitsineq

Ilinniartitsinermi piareersarfissamik piffissaliussisoqartarpoq, § 7, imm. 1 takuuk.

Imm. 2 Akunneq ilinniartitsiviusoq ataaseq 60 minutsimik naatsorsorneqartarpoq.

§ 7

Piareersarnissamut piffissaliussaq

Piareersarnissamut 60 minutsinik piffissaliisoqartarpoq, ilinniartitsinermit akissarsiutaasumik naatsorsueriaatsit makkua malillugit:

Bacheloritut ilinniarnert, diplomeqalissutaasumik ilinniarnert, masteritut ilinniarnert

aamma kandidatitut ilinniarnert
5,0 tiimit

2,5 –

Piareersaataasumik (propædeutisk) ilinniartitsineq, aamma ilinniartitsineq
bacheloritut- diplomeqalissutaasumillu qaffasissusilinnik

1,0 – 2,5 tiimit

Ima paasillugu akunneq ilinniartitsiviusoq ataaseq amerlanerpaamik tallimangorsinnaavoq.

Imm. 2 Piareersarnissamut piffissaliussamut atuupput ilinniartitsinissamut pilersaarusionerq, suliap aalajangersimasup ineriartorneranut malinnaanissamut piffissaqarneq, ilinniartitsissutsip perorsaanikkut ineriartornera, ilinniartitsinermi siunnersuisoqatigiit sulineri kiisalu ilinniarnerp aaqqissugaanera ataavartumik malinnaaffigineqarnera ilanngullugit.

Imm. 3 Assersuutigalugu ilinniartitsisup misilittagaqarnera piginnaasaalu, holdimi ilinniartut amerlassusii, suliami aalajangersimasumi nutaami ilinniartitsineq, uteqqiilluni ilinniartitsineq oqaloqatigiinnikkut bacheloritut-, diplominnassutaasumik- kadidatitullu ilinniarnert pillugit pissutsinut naatsorsueriaaseq toqqammavigalugu aalajangersarneqassapput. Tamanna ilinniartitsinissamut pilersaarusionermi ilinniartitsisup immikkoortorta qarfiullu aqutsisup/institutimi aqutsisup akornanni ukioq affakkaarlugi aalajangersarneqassaaq.

Imm. 4 Piffissap piareersarfiusussap ilinniartitsinerullu ataqatigiittariaqarnerat aqutsisut akisussaaffigaat. Isumaqatigiinnngissutaasinnaasut sulisut sulisunullu sinniisooq peqatigalugit oqaluuserineqarsinnaapput.

§ 8

Suliassat ilinniartitsinermut tunngasut

Suliassat ilinniartitsinermut tunngasut ima paasineqassapput:

- Misilitsinnerit aamma soraarummeernerit, ilinniartut suliaannik naqqiisarneq
- Nalinginnaasumik ilinniartunut suliatigut ilitersuineq, assersuutigalugu allaaserisaqarnermi
- Ilinniartunik sungiusarlutik sulisunik nakorsiartarfimmiittunillu ilitersuussineq
- Ilinniartitsisut immikkoortorta qarfiullu ataatsimiinnerinut ilinniartitsinermut attuumassutilinnut peqataaneq

Ilinniartitsinermut tunngasunut suliassanut piffissaliussamut holdimi ilinniartut amerlassusii, ilinniartitsissutigineqartut il. il. apeqqutaapput. Ilinniartitsinermut tunngasunut suliassanut piffissaq immikkoortinneqartoq immikkoortorta qarfimmi aqutsisorlu/institutimi aqutsisorlu isumaqatigiissutigineqassaaq.

Imm. 2 Tamatuma saniatigut ilinniakkap aaqqissugaanera naapertorlugi ilitersuussinissamut piffissamik suliffiusumik immikkoortitsisoqassaaq adjunktitut, ph.d.-itut, kandidatitut BA-tullu ilinniartunik misilitsitsineq ilanngullugit. Akunnerit amerlassusii suliami ilinniartut amerlassusii apeqqutaallutik nikerarsinnaapput.

Imm. 3 Ilinniartunut ilitersuisut arlaliuppata immikkoortorta qarfimmi aqutsisorlu piffissami suliffiusumi suliassakkuutaarllugit agguarnissai isumaqatigiissutigineqassapput.

Imm. 4 Suliart ilinniartitsinerlut tunngasut, § 8 naapertorlugu piffissamik piareersarfissaqartitsineq ajorpoq.

§ 9

Suliassat allat suliassaqtitaanerlu

Allanik suliassaqarneq suliassaqtitaanerlu ima ilaatigut paasineqassapput aqutsivittut ingerlataqarfiusunut, siunnersuisoqatigiinnut ataatsimiititalianullu peqataaneq piareersarnerlu kiisalu aqqissuussaanermi suliassanik allanik naammassinnineq.

Imm. 2 Sulianut allanut piffissaqarnissaq sulisut immikkoortortaqaqfimmi aqutsisorlu/institutimi aqutsisorlu akornanni isumaqatigiissutigineqassaaq.

Imm. 3 Suliassat allat suliassaqtitaanerlu, § 9 naapertorlugu piffissamik piareersarfissaqartitsineq ajorpoq.

§ 10

Qaangiuttoornerit/suliaqarnerunerit

Qaangiuttoornerit/suliaqarnerunerit sapinngisamik pinngitsoortinniarneqassapput.

Imm. 2 Qaangiuttoornernut/sulinerunernut ajunngitsorsiassarsissutigineqassapput qaangiuttoornermut taarsiullugu sulinngiffeqarnertut imaluunniit qaangiuttoornermut/sulinerunermut akiliutitut, pineqartup atorfinitsitaanerani atugassarititaasunut malittarisassat malinneqarput.

§ 11

Piffissaq suliffiusoq sivikillisaq

Piffissaq suliffiusoq sivikillisaq isumaqatigiissutit tjenestemandillu pillugit isumaqatigiissutit naapertorlugit isumaqatigiissutigineqarsinnaavoq.

§ 12

Naliliineq

Isumaqatigiissut ingerlaavartumik nalilerneqartassaaq – siullermeertumik 2017-imi ukiaanerani.

Imm. 2 Naliliineq aqutsisuniit sulissutigineqassaaq. Naliliinissaq sulisooqatigiinnut sinniisut/sulisunut sinniisut suleqatigalugit pilersarneqassaaq.

§ 13

Atuutilersinneqarnera

Isumaqatigiissut manna 1. august 2016 atuutilerpoq.

Imm. 2 Isumaqatigiissutip ASG-mut piffissaq isumaqatigiissuteqarfiusoq malippaa 31. marts 2019-imilu siusinnerpaamik atorunnaartussanngortinneqarsinnaalluni.

Imm. 3 Tassunga peqatigitillugu Iisimatusarfimmi sulisut ilinniartitsineramik ilisimatusarnermillu suliallit eqqarsaatigalugit isumaqatigiissutit makku atorunnaarsinneqarput:

- a) Erhvervsuddannelsen 1993-imi pisortanut, ilinniartitsisunut il.il. piffissamik suliffiusussamik isumaqatigiissut.
- b) Ilinniarfissuarmi pisortanut ilinniartitsisunullu piffissamik suliffiusussamik isumaqatigiissut il.il. 2004-meersoq.
- c) Peqqissaanermik Ilinniarfimmi pisortanut ilinniartitsisunullu piffissamik suliffiusussamik isumaqatigiissut il.il. 2004-meersoq.
- d) Qitiusumik ilinniarfinni aamma inuutissarsiutinik ilinniarfinni ilinniartitsisunut piffissamik suliffiusussamik isumaqatigiissut il.il. 2008-meersoq.
- e) Najukkani piffissamik suliffiusussamik aaqqissuunneqarneranillu isumaqatigiissutaasinnaasut il.il. piffissamik suliffiusussamik isumaqatigiissusiornermut massumunnga atatillugu atorunnaarsinneqassapput.

Nuuk, ulloq

Louise Tøt

Kalaallit Nunaanni
Ilinniagartuut Kattuffiat (ASG)

André Guttesen

Namminersorlutik Oqartussat
Piginnaatitsissut malillugu